



ՄԱՍԼՈ ՀԱՂՈՐԴԱԳՐՈՒԹՅՈՒՆ

27 փետրվար, 2017թ.

Երևան

Կամավորի ինստիտուտի ներդրմանն ուղղված նոր օրենքի նախագիծը լուրջ խնդրի առջև կարող է կանգնեցնել կազմակերպություններին

Եվրամիության կողմից ֆինանսավորվող «Կառուցողական երկխոսության հանձնառություն» ծրագրի շրջանակում փետրվարի 27-ին կազմակերպված դասընթացին քաղհասարակության կազմակերպության (ՔՀԿ) ներկայացուցիչներին ներկայացվեցին «Կամավորական գործունեության և կամավոր աշխատանքի մասին» օրենքի նախագիծը և գործող օրենսդրությամբ առկա կարգավորումները:

Ծրագրի իրավաբան Մերի Հարությունյանը նշեց, որ «Կամավորի մասին» օրինագծի դրական կողմերից մեկն այն է, որ կամավոր աշխատանքների կատարման հետ կապված ծախսերի փոխհատուցման վճարները ներառվում են նվազեցվող եկամուտների ցանկում: Նախագծով կարգավորվում են կամավորների գործուղման մեկնելու հարաբերությունները և գործուղման ծախսերի փոխհատուցումն իրականացվում են աշխատանքային օրենսդրությամբ գործուղման ծախսերի փոխհատուցման համար նախատեսված կարգին համապատասխան:

Սակայն օրինագծով սահմանվում են նաև այնպիսի դրույթներ, որոնք ուժի մեջ մտնելու դեպքում լուրջ մարտահրավեր կդառնան ինստիտուտի արդյունավետ կիրառման համար: Դրանցից մեկն այն է, որ կազմակերպությունը կարող է կամավորներ ներգրավել իր աշխատողների թվի մինչև 5 տոկոս հարաբերակցությամբ: Այսինքն, կազմակերպության աշխատակիցները պետք է առնվազն 20-ը լինեն, որպեսզի կարողանա մեկ կամավոր ներգրավել:

«Օրինագիծը կատարյալ չէ, կան մի շարք բացեր ու խնդրահարույց հարցեր, և կարևոր էր դրանց վերաբերյալ տեղեկություն ստանալը: Մեր կազմակերպությանը հետաքրքրող տեղեկությունները ես ստացա», - ասաց «Փրկենք երեխաներին» ՀԿ կադրերի բաժնի պատասխանատու Աննա Խաչատրյանը:

Միջազգային և տեղացի կամավորների հետ մշտապես աշխատող, Երևանում կանանց միջազգային միավորման փոխնախագահ Արմենուհի Սարգսյանը նույնպես կարևորեց նոր օրինագծով նախատեսվող փոփոխությունների մասին իրազեկված լինելը. այս ոլորտում օրենսդրական մակարդակով կարգավորումներ տալն ընդունելի է, սակայն նախագծում անընդունելի դրույթներ կան:

Նշենք, որ դասընթացի մասնակցել է շուրջ 8 քաղհասարակության ներկայացուցիչ: Նրանց հիմնական մասը կանայք և երիտասարդ ակտիվիստներ էին:

Եթե Դուք նույնպես քաղակտիվիստ եք և ցանկություն ունեք իրավաբանական աջակցություն ստանալու, ապա դիմեք մեզ info@armla.am հասցեով՝ առաջիկա դասընթացին գրանցվելու և իրավաբանական խորհրդատվություն ստանալու համար:



Ծրագիրը ֆինանսավորվում է Եվրոպական միության կողմից: Հայաստանում Եվրոպական միության պատվիրակություն
Հեռախոս՝ +37410 54 64 94
Հեռապատճեն՝ +37410 54 64 95

Իրավաբանների հայկական ասոցիացիա
Հասցե՝ Կալբանդյան 7, բն. 2 Երևան, Հայաստան, 0010
Հեռախոս՝ +37410 54 01 99
Հեռապատճեն՝ +37410 58 02 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուս, ռեսուրսներն ու ուղիները: 50 տարվա քննարկման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Սենթրլ Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ Համագործակցության Ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Մա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղաքացիական փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրազեկ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Լրացուցիչ տեղեկությունների համար կարող եք դիմել աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>, <http://ccd.armla.am>, էլ. փոստ՝ info@armla.am:

